

Hopi a ser tolera ayera den parlamento

ORANJESTAD(AAN)—Exactamente pa 12 or ayera anochi presidente di Parlamento a suspende e reunion di parlamento un biaha mas despues di a tolera masha hopi expresion di aprobacion y desaprobacion di parti di e multitud den tribuna publico durante henter dia ayera.

Miembronan di oposicion y independentenan tabata haya masha aplauso constantemente ora cu nan ta dirigi palabra y ta trece dilanti expresion-

nan cu ta criticanan ariba locual ta bini dilanti di fraccion di gobierno y criticanan ariba contestacion di diputado.

Locual a tuma lugar ayera atrobe ta cu oposicion a critica fuertemente e contestanan cu nan a ricibi di Bestuurscollege.

Miembronan di oposicion ayera anochi a critica severamente e hecho cu nan no a ricibi contestacion ariba varios di e preguntanan cu nan a lanza y tambe cu varios di e preguntanan no a ser con-

testa completo tampoco.

Tabata tin varios ocasion caminda cu e tensionnan tabata na punto di explota pero cu no a yega asina leeuw. Especialmente Sres. Nisbet y Pedro Kelly ayera tabata protestando fuertemente y treciendo ponencianan fuerte dilanti durante e reunion cu por a spera cu e situacion lo bira mas tenso ya cu publico tambe tabata mustRANDO nan aprobacion y desaprobacion continuamente.

Nan comentarionan y protestanan contra esaki

tabata ser ricibi cu aplauso di publico, te cu a yega asina leeuw cu presidente di Parlamento pa motibo di e situacion di molester cu expresionnan

na favor of contra di parlamentarionan y cu ta sali di publico a dicidi di suspende e reunion, cual lo continua awe mainta 8 or.

Felicitation pa Accion Democratico

ORANJESTAD(AAN)—Sr. Betico Croes na nombe di MEP a manda felicitacion pa Accion Democratico di Venezuela ariba nan di 44 aniversario. El a bisa den e telex, cu Accion Democratico di Venezuela tabata y ta signo di lucha y progreso pa Venezuela y ta ehemplo pa cualquier partido politico den America Latina. Avendia cu Aruba ta bibando momentonan dificil a consecuencia di cierre di refineria pa razonnan fuera di alcance di e gobierno y di pueblo di Aruba, MEP ta conta mas y mas cu solidaridad di pueblo di Venezuela.

E telex a bay pa Dr. Gonzalo Barrios presidente di A.D. cu copia na Secretario General di A.D. Dr. Manuel pñalver.

Dr. Engelbrecht a reacciona

ORANJESTAD(AAN)—Relaciona cu expresionnan haci door di Sr. Benny Nisbet den Parlamento di Aruba ayera, Dr. W.J. Engelbrecht a emití un comunicado den cual e ta menciona di lo kier clarifica lo siguiente:

"Na prome lugar mi a acompaña Sr. G.F. Croes pa Miami, comoquiera cu su estado di salud tabata exige esey. Ningun momento prome, durante of despues di e viaje, e promesa a wrodo haci na mi persona pa haya uno of otro posicion politico o algun favor", el a cuminsa mustra ariba.

Como punto dos el a laga sa cu como cirujano su interes y deber di su profesion ta pa duna su pacientnan e trato mas optimal cu ta posibel. E relacion entre un medico y su patien ta algo confidencial y hopi personal y no ta asunto di ningun otro hende.

Tambe el a laga sa cu nunca e tabata activo den politica y e no ta ambiciona pa un posicion politico tampoco y cu su unico inters den salubridad publico ta pa traha y yuda pa e ciudo medico por duna e mihor resultado cu ta posibel pa comunidad.

Resumiendo e ta lamenta cu Sr. Nisbet ta hiba un politica asina bajo den parlamento, segun su comunicado, finalizando cu e ta spera cu esaki lo no sosode mas.



Cu e meneer aki por tin razon cu no mag staciona auto ariba acera ta corecto, pero locual e meneer aki, dilanti di oficina di Elmar den Wilhelminastraat ta haci mester wordo desaprobá. Continuamente ta drená keho di actitud di e persona aki pero aparentemente nada ta ser haci contra esaki. Algun dia pasa e ta para den cura di su propiedad y ta basha slang cu awa ariba tur hende cu staciona auto dilanti di su cas. Hasta un señora cu un baby di algun luna mester a soporta un baña di awa, y e excusa tabata cu ta mata e ta muha y no por yuda cu awa a spuit ariba hende. Ayera aparentemente ta e mes lo a yena acera cu clabo dilanti su porta, manera e fotonan aki ta mustra. y aki sigur e excusa lo por ta cu no ta e a haci esaki perot otro hende lo a haci'e. Conociendo su hazañanan di molestia hende, tur indicacion ta cu e clabonan a ser tira eynan door di su persona pa evita cu auto lo para dilanti su porta. Algo mester wordo haci pa evita cu un dia un drama lo por tuma lugar na e sitio aki.

Na februari 86 renovacion di Caribbean Hotel lo ta hopi avanza

ORANJESTAD(AAN)—Ayera merdia gerencia di Bredero cu ta reconstrui Aruba Caribbean Hotel a mustra medianan di comunidad e trabaonan cu ta ser haci na e hotel aki den cuadro di renovacion y expansion, y indica cu ya tin un grupo chiquito

trahando ariba e proyecto.

Na e momentonan aki tin 30 persona trahando den e plan di renovacion.

Por a constata ayera cu varios parti di e hotel a ser basha abao, tambe ta trahando ariba e piscina tambe a ser splica cu ta

cla pa cuminsa pone material nobo den cambernan

E casino ta ser cambia di sistio y lo bira mas grandi y lo tin varios entrada.

Tambe lo bini un beach restaurant y cabana: cu lo ta mas grandi cu esnan existente. A ser mustra

cu lo bini nightclub nobo y un centro di compras etc y cu pa februari vendero e proyecto lo ta basta avanza. Intencion ta dentro di poco aumenta e cantidad di trahadornan na e hotel cu trabao di renovacion, ta na 100 y cu e subcontratistanan cu

lo ser envolvi, e cantidad lo por aumenta pa 500.

Henter e renovacion y expansion lo bay costa alrededor di 85 millon florin. Despues cu tur e trabaonan aki termina e hotel lo seropera pa Golden Tulip.